



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Sigefridvs Ep. 15. Februarij.

urn:nbn:de:hbz:466:1-42032

Post tot victorias etiam inter flammās cantare
Præana placuit. Denique ubi per omnem Italianam
circumducti omnia theatra sanguine suo pinxe-
runt, patria rursus excepit, & gladio cæcos coro-
navit. Fama obtinuit Angelos cælo ad victos de-
volasse in carcerem, & sacram Eucharistiam præ-
sentibus Ministros adstitisse. Videtis Mariani, in
quorum officium inoletis, cum ad aram servitis?
Profectò aut muneris hujus vos non pudebit, aut
Angelis similes esse pigebit. *Ex Suario.*

*Cum Ecclesiasticis officiis ritè credatur Angelo-
rum semper adesse præsentiam, nostramque vigilan-
tiam sive desidiã non modò diligenter attendere,
sed & superno Iudici cuncta per ordinem nunciare,
quanto putamus adversus nos zelo moventur, dum
in conspectu illius nos irreverèter sedere conspiciunt,
cui ipsi trementes assistunt?* S. Pet. Dam. l. 3. Ep. 8

S. SIGEFRIDV S EP. 25. Februarij.

Liceat exclamare, ô mores! ô tempora! Quos
nunc pellit Angliã fidei Doctores, hos olim
velut Colonias meliores in orbem omnem mit-
tebat, ea demum fœdera cum regibus sancta esse
censens, quæ fides, quæ, quos diximus, feciales pe-
pigissent. Ita Olavus Suecorum & Gothorum Rex
præconem verbi divini SIGEFRIDV M impetravit
ab Angliã, quem hodie rectiùs ipsa accerferet. So-
cios ille traxit Vnamannum, Sunamannum & Vi-
vamannum nepotes suos. Poterat Insula deinceps
Fortunata dici, postquam hi heroes ad illam ap-
puli sunt. Certè beatum se putavit, qui Insulæ
præfectus erat, cum inter sacra à SIGEFRIBO tolli
in altum non jam panis umbram, sed aug: stã spe-
cie puerum vidit; moxque pueri hujus manibus
manus

manus dedit. Non incruenta tamen victoria SIGEFRIDO fuit. Cæsi tres nepotes, mœrore temperarunt triumphum. Cæterum dum ponè stagnum obambulat, tergeminum lumen videt; hoc indice urnam; in urnâ capita tergemina. Hîc vero vindictam clamanti SIGEFRIDO, *vindicabit*, è capitibus unum respondit. Mox altero *quando nam?* roganti, tertium caput, *in filios filiorum*, subjicit. His aliisq; prodigiis illustris SIGEFRIDVS tumulum accepit in templo, quod Vexione Angelorû jussu exædificarat. Nunc inter Anglos Angelosq; quàm rarum commercium? quàm magnum, ô Magne Gregori, discrimen? *Ex Vit. Aquilon. Ioan. Vastiv. vit.*

Gemina dulcedo suavitatis exuberat in pectore Domini IESV, longanimitas videlicet in expectando. Et in denando facilitas: ad hoc autem diu suspendit sententiam ultionis à contemnite, ut quandoque gratiam remissionis præstet in pœnitente. S. Bern. ser. 9. sup. Cant.

S. SEVERVS. C. 15. Februarij.

ESt quod in Sacerdote SEVERO speculentur ii, non animarum, sed rem suam qui curant Sacram ædem, & in hâc, ne Marianum fuisse dubites VIRGINIS aram curabat SEVERVS, vitæ integritate, & miraculis multùm illustris. Fortè putandis vitibus insistebat, cùm supervenit, qui ægrum, nescio quem, opem afflagitare ultimâ nuntiat, cæterùm sacris munitum non adhorrere ab ultimâ luctâ Respondet SEVERVS, & affuturum se illico spondet. Vt tamen operi finem imponat (perpauxillum supererat) moram aliquantulam facit. Indè celeri gressu dum ad moriturum contendit, ecce mortuum audit. Hîc enim verò palàm SEVERVS se incusare, veniam suam ut curaret